

$\{0,1\}$ Bul algebrasidagi xy kon'yunksiya amali oddiy arifmetikadagi 0 va 1 sonlar ustidagi ko'paytma amaliga mos keladi. Ammo 0 va 1 sonlarni qo'shish natijasi $\{0,1\}$ to'plam doirasidan chetga chiqadi. Shuning uchun I.I.Jegalkin (3.8.1869-28.3.1947) 2 moduliga asosan qo'shish amalini kiritadi (I.I.Jegalkin 30-yillarning boshida Moskva davlat universitetida birinchi bo'lib matematik mantiq bo'yicha ilmiy seminar tashkil etgan). x va y mulohazalarning 2 moduli bo'yicha qo'shishni $x+y$ sifatida belgilaymiz va u quyidagi chinlik jadvali bilan beriladi:

x	y	$x+y$
0	0	0
0	1	1
1	0	1
1	1	0

Chinlik jadvalidan ko'rinib turibdiki, $x+y=\overline{x \leftrightarrow y}$. Mantiq algebrasidagi ko'paytma va 2 moduli bo'yicha qo'shish mantiq amallari uchun kommutativ, assotsiativ va distributiv arifmetik qonunlar o'z kuchini saqlaydi.

Bul algebrasidagi asosiy mantiqiy amallarni kiritilgan arifmetik amallar orqali quyidagicha ifodalash mumkin:

1. $\bar{x} = x+1$;
2. $x \wedge y = xy$;
3. $x \vee y = xy + x + y$;
4. $x \rightarrow y = xy + x + 1$;
5. $x \leftrightarrow y = x + y + 1$.

2 moduli bo'yicha qo'shish amalining ta'rifiga asosan $x+x=0$ va $xx=x$ ($x^n=x$).

Bul funksiyalarining o'zgaruvchilar bo'yicha yoyilmasi

Teorema 1. E_2 to'plamdagi har bir $f(x_1, \dots, x_n)$ funksiya quyidagi ko'rinishda ifodalanishi mumkin:

1. $f(x_1, \dots, x_n) = x_1 \cdot f(1, x_2, \dots, x_n) \vee \bar{x}_1 \cdot f(0, x_2, \dots, x_n),$
2. $f(x_1, \dots, x_n) = x_1 \cdot f(1, x_2, \dots, x_n) \oplus \bar{x}_1 \cdot f(0, x_2, \dots, x_n),$
3. $f(x_1, \dots, x_n) = (x_1 \vee f(0, x_2, \dots, x_n)) \& (\bar{x}_1 \vee f(1, x_2, \dots, x_n)).$

Isbot. Ushbu formulalarni isbotlash uchun

1) Agar $x_1=0$ bo'lsa, unda

$$f(0, x_2, \dots, x_n) = 0 \vee f(0, x_2, \dots, x_n) = f(0, x_2, \dots, x_n).$$

2) Agar $x_1=1$ bo'lsa, unda

$$f(1, x_2, \dots, x_n) = 1 \& f(1, x_2, \dots, x_n) \vee 0 \& f(0, x_2, \dots, x_n) = f(1, x_2, \dots, x_n).$$

Xuddi shunday 2-3-tasdiqlarni ham isbotlashimiz mumkin.

Teorema 2. Har bir E_2 dan olingan $f(x_1, \dots, x_n)$ funksiyani quyidagicha ifodalash mumkin, bunda $\forall k, 1 \leq k \leq n$:

$$1. f(x_1, \dots, x_n) = \bigvee_{(\sigma_1, \dots, \sigma_k)} x_1^{\sigma_1} \& \dots \& x_k^{\sigma_k} \& f(\sigma_1, \dots, \sigma_k, x_{k+1}, \dots, x_n),$$

$$\text{bunda } x^\sigma = \begin{cases} x, \text{ agar } \sigma = 1; \\ \bar{x}, \text{ agar } \sigma = 0; \end{cases} \quad \bigvee_{i=1}^n x_i = x_1 \vee x_2 \vee \dots \vee x_n.$$

$$2. f(x_1, \dots, x_n) = \sum_{(\sigma_1, \dots, \sigma_k)} x_1^{\sigma_1} \& \dots \& x_k^{\sigma_k} \& f(\sigma_1, \dots, \sigma_k, x_{k+1}, \dots, x_n), \text{ bunda}$$

$$\sum_{i=1}^n x_i = x_1 \oplus x_2 \oplus \dots \oplus x_n.$$

$$3. f(x_1, \dots, x_n) = \big\&_{(\sigma_1, \dots, \sigma_k)} (x_1^{\bar{\sigma}_1} \vee \dots \vee x_k^{\bar{\sigma}_k} \vee f(\sigma_1, \dots, \sigma_k, x_{k+1}, \dots, x_n));$$

$$\text{bunda } \big\&_{i=1}^n x_i = x_1 \& x_2 \& \dots \& x_n, \quad x^{\bar{\sigma}} = \begin{cases} x, \text{ agar } \sigma = 0; \\ \bar{x}, \text{ agar } \sigma = 1; \end{cases}$$

1-tasdiqning isboti: $k - (\alpha_1, \dots, \alpha_k)$ bo'lsa, $f(x_1, \dots, x_n)$ funksiya quyidagi ko'rinishga keladi - $f(\alpha_1, \dots, \alpha_k, x_{k+1}, \dots, x_n)$.

Ta'rifga asosan,

$$\left. \begin{aligned} \alpha_1^{\sigma_1} = 1 &\Leftrightarrow \alpha_1 = \sigma_1 \\ \alpha_2^{\sigma_2} = 1 &\Leftrightarrow \alpha_2 = \sigma_2 \\ &\dots\dots\dots \\ \alpha_k^{\sigma_k} = 1 &\Leftrightarrow \alpha_k = \sigma_k \end{aligned} \right\}$$

Bundan esa, $\alpha_1^{\sigma_1} \& \alpha_2^{\sigma_2} \& \dots \& \alpha_k^{\sigma_k} = 1 \Leftrightarrow \alpha_1 = \sigma_1, \alpha_2 = \sigma_2, \dots, \alpha_k = \sigma_k$.

$1 \& x = x$ dan f funksiya berilgan formulaga faqat va faqat $\alpha_1 = \sigma_1, \alpha_2 = \sigma_2, \dots, \alpha_k = \sigma_k$ bo'lganda o'rinli.

Bundan, formulaning o'ng tomoni

$$\bigvee_{(\sigma_1, \dots, \sigma_k)} x_1^{\sigma_1} \dots x_k^{\sigma_k} \& f(\sigma_1, \dots, \sigma_k, x_{k+1}, \dots, x_n) = f(\sigma_1, \dots, \sigma_k, x_{k+1}, \dots, x_n) \text{ ga teng}$$

chunki qolgan barcha kon'yunksiyalar = 0. Formulaning chap tomonining ham $f(\sigma_1, \dots, \sigma_k, x_{k+1}, \dots, x_n)$ ko'rinishga ega chunki, $\alpha_1 = \sigma_1, \alpha_2 = \sigma_2, \dots, \alpha_k = \sigma_k$.

Demak, $f(\sigma_1, \dots, \sigma_k, x_{k+1}, \dots, x_n) = f(\sigma_1, \dots, \sigma_k, x_{k+1}, \dots, x_n)$.

Xuddi shunday 2-3-tasdiqlarni ham isbotlashimiz mumkin.

MDNSH va MKNSH.

Natija 1. 2-teoremaning 1-tasdiqida $k = n$ bo'lsa, unda yoyilma quyidagi ko'rinishga ega bo'ladi:

$$f(x_1, \dots, x_n) = \bigvee_{(\sigma_1, \dots, \sigma_n)} x_1^{\sigma_1} \dots x_n^{\sigma_n} \cdot f(\sigma_1, \dots, \sigma_n). \quad (1)$$

Agar $f \neq 0$, unda (1) formuladan

$$f(x_1, \dots, x_n) = \bigvee_{\substack{(\sigma_1, \dots, \sigma_n) \\ f(\sigma_1, \dots, \sigma_n) = 1}} x_1^{\sigma_1} \& \dots \& x_n^{\sigma_n} - \text{Mukammal diz'yunktiv normal}$$

shakl (MDNSh).

Natija 2. Agar 2-teoremaning 3-tasdiqida $k = n$ bo'lsa, unda unda yoyilma quyidagi ko'rinishga ega bo'ladi:

$$f(x_1, \dots, x_n) = \big\&_{(\sigma_1, \dots, \sigma_n)} (x_1^{\bar{\sigma}_1} \vee \dots \vee x_n^{\bar{\sigma}_n} \vee f(\sigma_1, \dots, \sigma_n)). \quad (2)$$

Agar $f \neq 1$, unda (2) formuladan

$$f(x_1, \dots, x_n) = \big\&_{\substack{(\sigma_1, \dots, \sigma_n) \\ f(\sigma_1, \dots, \sigma_n) = 0}} (x_1^{\bar{\sigma}_1} \vee \dots \vee x_n^{\bar{\sigma}_n}) - \text{Mukammal kon'yunktiv normal shakl}$$

(MKNSh).

Natija 3. Agar 2-teoremaning 2-tasdiqida $k = n$ bo'lsa, unda unda yoyilma quyidagi ko'rinishga ega bo'ladi:

$$f(x_1, \dots, x_n) = \sum_{(\sigma_1, \dots, \sigma_n)} x_1^{\sigma_1} \& \dots \& x_n^{\sigma_n} \& f(\sigma_1, \dots, \sigma_n) \quad (3)$$

Agar $f \neq 0$, unda (3) formuladan

$$f(x_1,\dots,x_n)=\sum_{\substack{(\sigma_1,\dots,\sigma_n)\\f(\sigma_1,\dots,\sigma_n)=1}}x_1^{\sigma_1}\&\dots\&x_n^{\sigma_n}\;.$$